



Broj: 05/1-50-13-26-32-3/17
Sarajevo, 15.5.2017.

ZAPISNIK

32. sjednice Nezavisnog odbora Parlamentarne skupštine BiH

Sjednica je održana 15.5.2017., s početkom u 17 sati.

Sjednicu je sazvao Enes Obraliya, prvi zamjenik predsjednika Nezavisnog odbora.

PRISUTNI ČLANOVI NEZAVISNOG ODBORA: Enes Obraliya, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ilma Mehić-Jusufbašić, Adisa Begić, Nikola Džambas, Mate Miletić i Ljubomir Kuravica.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednici su prisustvovali i Perica Stanić, direktor Državne agencije za istrage i zaštitu, te Đuro Knežević, zamjenik direktora Državne agencije za istrage i zaštitu.

Sjednicu su pratili i Zoran Brkić iz Sektora za odnose s javnošću Sekretarijata Parlamentarne skupštine BiH i Senad Zlatar, predstavnik OHR-a.

Sjednicom je predsjedavao prvi zamjenik predsjednika Nezavisnog odbora Enes Obraliya.

Konstatirajući da postoji kvorum za rad, otvorio je 32. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 31. sjednice Nezavisnog odbora;

2. Razmatranje Izvještaja o radu Državne agencije za istrage i zaštitu za 2016. godinu i Program rada Državne agencije za istrage i zaštitu za 2017. godinu, materijal broj: 16-03-50-2162-2/17, od 21.3.2017., a zaprimljen u Pisarnici Parlamentarne skupštine BiH 22.3.2017., broj: 05/1-50-13-26-30-5/17;
3. Tekuća pitanja.

Ad.1. Usvajanje Zapisnika 31. sjednice Nezavisnog odbora

Zapisnik 31. sjednice Nezavisnog odbora usvojen je jednoglasno, bez primjedbi.

Ad.2. Razmatranje Izvještaja o radu Državne agencije za istrage i zaštitu za 2016. godinu i Program rada Državne agencije za istrage i zaštitu za 2017. godinu, materijal broj: 16-03-50-2162-2/17, od 21.3.2017., a zaprimljen u Pisarnici Parlamentarne skupštine BiH 22.3.2017., broj: 05/1-50-13-26-30-5/17

U uvodu u ovu tačku dnevnog reda prvi zamjenik predsjednika Nezavisnog odbora Enes Obralića napomenuo je da je Državna agencija za istrage i zaštitu, u skladu sa zaključkom s 30. sjednice Nezavisnog odbora, dostavila Izvještaj o radu Državne agencije za istrage i zaštitu za 2016. godinu i Program rada Državne agencije za istrage i zaštitu za 2017. godinu. U vezi s tim, na sjednicu su pozvani i prisustvovali joj Perica Stanić, direktor Državne agencije za istrage i zaštitu, i Đuro Knežević, zamjenik direktora Državne agencije za istrage i zaštitu, kako bi s članovima Nezavisnog odbora razmatrali dostavljeni materijal.

U raspravi o ovoj tački dnevnog reda i razgovoru članova Nezavisnog odbora s direktorom i zamjenikom direktora Državne agencije za istrage i zaštitu učestvovali su svi prisutni članovi Nezavisnog odbora. Razgovarali su i o trenutnom stanju u Državnoj agenciji za istrage i zaštitu, problemima s kojima se susreću u radu, neophodnosti formiranja Odbora za žalbe policijskih službenika, neophodnosti donošenja novog zakona o policijskim službenicima BiH, kadrovskoj popunjenosti, borbi protiv terorizma i organiziranog kriminala, saradnji s drugim policijskim agencijama kao i s nižim policijskim strukturama u BiH te drugim pitanjima iz domena rada Državne agencije za istrage i zaštitu.

Nakon rasprave, članovi Nezavisnog odbora jednoglasno su donijeli **zaključke** koje će uputiti Ministarstvu sigurnosti BiH:

ZAKLJUČAK I.

Sagledavajući stanje u policijskim agencijama Bosne i Hercegovine, Nezavisni odbor ocijenio je da je neophodno u što kraćem roku formirati Odbor za žalbe policijskih službenika jer njegovo nepostojanje umnogome usložnjava rad i postupanje u tim agencijama.

ZAKLJUČAK II.

Nezavisni odbor podržava aktivnosti i cijeni objektivnim i osnovanim potrebu za donošenje novog teksta Zakona o policijskim službenicima BiH kojim bi se riješila određena pitanja koja opterećuju rad i postupanje u policijskim agencijama BiH.

Također, predlaže da Ministarstvo sigurnosti BiH u konsultacijama prilikom izrade Zakona o policijskim službenicima BiH Nezavisnom odboru dostavi Nacrt zakona, a radi eventualnih sugestija i prijedloga.

Također, članovi Nezavisnog odbora jednoglasno su primili k znanju Izvještaj o radu Državne agencije za istrage i zaštitu za 2016. godinu i Program rada Državne agencije za istrage i zaštitu za 2017. godinu.

Ad.3. Tekuća pitanja

U okviru ove tačke dnevnog reda nije bilo rasprave.

Prvi zamjenik predsjednika Nezavisnog odbora Enes Obralića zaključio je sjednicu u 19,15 sati.

**SEKRETAR
NEZAVISNOG ODBORA**

Ivana Lovrić

**PRVI ZAMJENIK PREDSJEDNIKA
NEZAVISNOG ODBORA**

Enes Obralića